

*Lucem CHRISTOPHORVS Dux hanc mitissimus auxit:
LV DVICVSq; facit Dux FRIDERICVS idem.
Hinc ea sic crevit, sic floruit haetenus, & nunc:
Ut decus, & nomen tollat in astra suum.
Sicut, sancta TRIAS, bene das succedere, coepsum
Quod fuit instinctu, cuncta beante, tuo.
Organa res ad eas tibi lecta fuere gerendas,
Præstantes studijs, & pietate viri.
Quos ego descriptas viuis hic sisto figuris,
Et meritum propter laudo, canoque decus.
Pars tecum cœlo, TRIAS ô sanctissima, degit:
Pars agit in terris, hanc celebratque Scholam.
Hanc studijs ornat, doctrinarumque nitore,
Ut decorat cœli Sol tuus astra tui.
O Deus aspira nostris ter maxime votis:
Hancque tua miti respice mente Scholam.
Hanc tueare, precor, clementer & assere semper:
Hanc ale, cum membris hanc rege, ducque suis.
Hac cum sanctamane TRIAS, hoc in vespere Mundi:
Lucis & hic radios continuato tuæ.
Ut, licet excedant aliae, cæcasque sequantur,
Hæc eat in claris firma tenaxque vijs.
Te, Verbumq; tuum veneretur ritè, colatq;
Cunctaq; pro iussu dirigat acta tuo.
Hic pietas, hic Ius, Medicina, Sophiaque regnent:
Laudibus hic Studium seruat omne tuis.
Donec in æthereis semper celebrere Lyceis,
Inq; tabernaclis vox sonet ista tuis:
Gratia, laus, & honor tibi sit, ter sancte, triune,
Omnipotens, sapiens, & sine fine, D E V S.*

Diuinæ Tuæ Omnipotentiæ, ac Maiestati

Deuotissimus, & humilimus Seruus

Erhardus Cellius.

ILLV-